

移于此○中略

按山礬未詳蓋沈丁花之類也而曰似梔子類凡梔子葉有齒與無齒有二種山礬葉有齒沈丁花葉似無齒梔子葉有花四出與大出色白與淡紫子有與無之違

〔本草一家言〕山礬一名鄭花一名玉藥花一名七里香一名海桐和名登知柴筑前福岡方言也矮木葉似椴木色帶黃春間開小白花芬芳勝瑞香采其葉染黃不借礬而成故黃山谷名山礬西土之人甚貴重之然本邦人嘗不識之撫州府志論唐建昌宮玉藥花卽此花也又一種稱椴木者花葉形狀全同山礬而有圓葉尖葉之二種但以花不香爲異已此又山礬下品而益軒翁大和本艸以瑞香花爲山礬者誤矣

〔本草一家言〕山礬 唐昌觀玉藥花記 宋程大昌

唐昌觀玉藥花長安惟有一株或詩之曰一樹瓏鬆玉刻成則其葩藥形似略可想矣春花盛時傾城來賞至謂有仙女降焉元日皆賦詩以實其事則爲時貴重可知矣曾端伯曰韋應物帖云京師重玉藥花比至江南漫山皆是土人取以供染事不甚愛惜則是江南有花瓏鬆而自其葉可用以染者眞唐昌之玉藥矣山谷曰江南野中有一種小白花木高數尺春開極香野人謂之鄭花王荊公陋其名予請名曰山礬此花之葉自可染黃不借礬而成色故以名又高齋詩話曰玉藥卽今瑒花也予按瑒雉杏反玉圭名也瑒鄭音近而呼訛耳吾鄉又呼烏朕鄭瑒音亦相近知一物也江南凡有山處卽有此花其葉類木犀而花白心黃三四月間著花芬香滿野人家籬援皆斫其枝帶葉束之稍夕受日葉遂變黃取以染不藉礬石自成黃色則魯直之言信矣至僅高二三尺者蓋土人不以爲材梢可燃燎烝樵之不容其長惟長安以爲貴異故其幹大於他處非別種也予家孰之西有山礬一株高可五七丈春花盛時瓏鬆耀日如冬雪礙積闔一里人家香風皆滿比予辛未得弟而歸則爲人所伐矣乃知唐玉藥正是人能護養所致非他處無此之木也